

猗氏縣志

乾



重修猗氏縣志序

丙申仲夏余自虞量移平陽郡丞拜

命後屬州邑例送輿圖志書以便攷其山川
察其形勢風俗之所尚人情之所宜隨地
設施因人發政襄盛治也而猗氏獨無有
移取之令復志板燬於康熙丁丑歲惟某
紳家尚存一帙什襲藏之將以守先待後
誠深思遠慮者也越明年七月余攝猗篆

序

假志覽之迺知猗志輯於正德間萬厯壬
子續修逮我

朝康熙癸丑邑先達太史衛君廉使王君大
參郭君復增修之因語其鄉士大夫曰志
者紀也千百世以上之人之心不可得而
見閱諸紀載而其人其志如在目前故忠
臣之志在於事君而常變弗渝孝子之志
在於事親而死生一致廉吏之志潔如春



泉仁者之志溫如朝靄昆弟之志則急難
歌脊令友朋之志則同聲咏伐木或行其
志於廟廊或堅其志於廡下或樂其志於
雷澤有莘或尚其志於高山流水成都一
簾志也洞庭千樹亦志也設一旦失傳為
之子若孫者漫無攷據不幾抱怨恫於中
心乎且自康熙十二年修輯以來迄今已
四十餘年豈無忠孝節烈可嗣徽音而昭

序

二

來許者亦當采而入也願亟圖之於是鄉
大夫咸稱善遂立館設局分門別類而屬
吾友總其成規模一遵往哲凡前人論列
仍繫於各條目之後其人物諸賢小論仍
附本傳戶口田賦務綜覈精確雖費搜尋
可令人一覽而悉寧詳無畧寧慎無濫彌
月以來大綱節目粗具復會紳士於學校
互相參正訛者改之遺者增之信者存之

疑者闕之其所收皆秉公舉察無一私徇
瀹茗敲冰呵凍炙硯者又一月而告竣余
首捐金募役亟付棗梨半資紳士協力報
成今猗幸有完書而余曩者之志始遂矣
夫在邑為政在心為志猗人有猗人之志
我有我之政若不取其不絕如縷者而急
成之以發其千百世以上之潛德幽光將
何以為世之法程哉雖然余亦裝潢焉已

序

三

耳士貴自樹立不待文王後興世固有建
非常之事業著絕代之文章振敝起衰以
傳諸千百世之下者非斯人也歟吾則深
有望於有志之君子故弁數言於首

康熙五十六年歲次丁酉孟冬之吉

誥授奉政大夫同知平陽府事兼攝猗氏縣

印務濟寧潘鏞清聞氏撰



重修縣志序

國家之傳信莫如史郡邑之傳信莫如志而志與史實則互相表裏者也故郡邑不可一日無志猶之國家不可一日無史我

皇清一統志自康熙壬子纂修以後垂六十年中間休養生息戶口繁滋物產豐碩人文蔚興禮樂明備所宜增益者多矣

猗氏縣志

序

今上龍飛之七年復

勅十五國徵文考獻彙纂通志以昭車書一統之盛隨蒙各憲臺檄行郡縣接古續今各成志書以備採集猗雖彈丸黑子之地然為河東要區三晉巖邑山

川靈秀人物權竒掌故可不脩歟昔歲
丁酉署邑事平陽司馬濟寧潘公嘗踵
舊志集名儒而編輯之適以事去官書
未克就余承乏茲土因糾集紳士理其
遺緒考訂舛訛并取丁酉以來十三年
之事附益於後凡五閱月而後成書書
成余讀之而歎曰甚矣作志之難也蓋

地係桑梓則褒美或失之濫且誣人不
土著則見聞未必其詳且確况年逾甲
子則卷宗之散佚不少父老之傳聞無
多有一於此非繁則漏斯志兼而有之
欲其簡而能該詳而能要豈不憂憂乎
難哉夫志揚善隱惡雖與史之善惡並
紀明法戒示勸懲者異體然歷世之典

章一方之土俗備焉因革以著朝代坊里以正經界學校以育人材郵政以捍災患賦役定而里巷不擾兵防修而萑苻不驚官師有表則治人得循蹟有紀則治法傳戶口之登耗不常宜用滋培風俗之貞淫不一宜用倡導觀形勝而知險阨察古蹟而識興廢紀選舉以勵

絃誦溯人物以志景仰城郭增之而日崇河渠濬之而日深孝子節婦紀不絕書山川鬼神禮無乏祀其間利何以興害何以除俗何以厚政何以成披文覽籍法古籌今可以不下堂而境內治方今各憲臨蒞茲土度式金玉操凜冰霜上體

天子一道同風之意下厯窮簷饑溺由已
之憂修舉廢墜禁止惰窳風氣蒸蒸日上
上余濫竽一令亦惟白水盟心以期青
山無愧步 諸大君子之芳塵然自顧
駑鈍惴惴焉每懼其不逮而此志之修
也惟是損益前書編綴近事偕二三同
人樂觀厥成而已若夫黜浮崇雅賡颺

休風以俟後之君子則余豈敢肯

雍正七年歲次己酉仲秋上澣之吉

賜進士出身知猗氏縣事文登宋之樹

撰



續修猗志引言

按猗志重修於


國朝康熙十二年歷時未久星野山川如故建置沿革無多古蹟今制前志考訂頗詳即偶缺畧彈丸黑子之地邑乘外無憑搜羅惟是官師選舉人物藝文迭興踵事不可無續紀以俟將來至於賦額之稍有增減學廟之隨時修葺摩碑檢冊徵信乃書唯求耳目之真弗侈鋪張之麗寧蹈不文罔敢失實自康熙十三年甲寅至四十六年丁亥起訖凡三十四年

康熙四十七年歲次戊子

猗氏縣志

引言

勅授文林郎浙江臨安縣知縣致仕己酉解元邑人郭九會撰



右先君子續邑乘引言也康熙戊子夏平陽太守 劉公重修郡乘郡之鄉先生六人與焉先君子其一也先是 劉公檄行屬邑各續新志以資彙考於時猗猶平陽隸也邑侯崑山葉公謀之邑先達諸公而大叅晉溪喬先生以其事推讓於先君子先君子詎不獲辭爰自

癸丑至甲寅三十四年之事覈實徵信彙成一冊上之
太守乃郡有成書而邑志則未付梓也越十年郡司馬
濟寧 潘公來攝邑篆慨舊志之燬於火毅然謀所以
纂修之得先君子所哀集者遂逐項分麗舊志之後而
以近事附益之公不以愚之蕪陋亦俾與讐校焉書成
將壽之木而公適去官事遂中輟迨雍正甲辰邑父母
文登 宋公下車修廢舉墜百務畢興邑志一事屢謀
增輯而勤於初政未逮也越己酉春

詔修一統志 臺使者檄郡邑各上其書公乃理潘公之
遺緒糾集紳士叅互考訂芟其繁蕪正其舛譌而至於

猗氏縣志

引言

二

丁酉以後尤加詳慎乘退食之暇殫奉公之勤秉公持
平博採約取惟恐遺美收類務期去贗存真凡五閱月
而告竣事愚亦幸從諸君子後樂觀厥成故爲詳其顛
末而附記於先君子引言之後以見斯志創始踵事遞
更數手星移紀踰多歷年所需時而成良非易易也郭
爲觀識

猗氏縣志舊序

吾邑在周爲郇國至秦猗氏割封遂稱猗頓國朝置縣因命曰猗氏云東峙姑射南拱中條西連蒲坂北障孤山亦河東浩穰之區也正德間曾輯志志其概歷年久殘缺荒穢舛譌無徵不倭每私竊慨之先是丁未里居時嘗慫慂前明府盤陰馬公舉其事乃殺青未竟而去繼自今明府馬公來蒞茲土起敝維風三年化成慨然於此典之不可終缺也公餘購得原本復邀諸孝廉文學正其亥豕次其錯謬缺者補之茸者芟之叅互考訂秉以己意凡得若干卷付之剞劂氏越三月而竣役因徵不倭言弁簡首不倭

猗氏縣志

舊序

蓋深有感於明府之嘉惠吾邑至渥也夫志識也古史之流也權輿於禹貢及周禮職方而班孟堅因之作漢地理志其後則代各有書而郡與邑又各自有紀乘凡以志夫山川土地人才物產戶口風俗志之一時俾傳之永世觀風者有以稽盛衰秉政者有以酌輕重感時憂事者又有以洞隆替之原而施補救之術非浮文虛夸無裨於人心世道者比也昔堯都平陽遺化不泯故三晉之民勤儉質朴憂深思遠有陶唐氏之風焉吾猗在唐畿內被化尤深其人文事業亦復不減諸名郡邑然而有識之士猶不能不爲今昔之感則何也蓋昔以出作入息狂在羨秦而今

且有耽佚忘本者矣昔以污樽杯飲殷殷屯屯而今且有
侈靡廢業者矣昔以尊尊親親恭敬卑讓而今且小加大
少凌長賤妨貴者亦徃徃有之疆土不殊而舉目有涇漓
之異則人心之一大變也倘覽茲志者穆然深惟昔何以
淳今何以漓昔何以由涇而之漓今何以返漓而之涇樂
只君子挽回於上鄉士大夫暨父老子弟相與觀化於下
以庶幾不失古陶唐之遺風則茲志不朽明府之澤被吾
猗亦且不朽豈不誠盛事也歟哉明府善政善教藉甚口
碑後必有史官書之茲不具論特論其所以修志者如此
是爲序萬曆癸丑賜進士第加正二品俸巡撫甘肅等處

地方贊理軍務都察院右僉都御史邑人荊州俊撰

山人曰孟堅作地理志而方輿網羅畢弋則志爲古今重
尚矣余自束髮咨嗟吾猗無志未嘗不翹望於邑之賢大
夫正德間雖有纂集而靈蛇未握故冊且脫落不存今冲
宇馬明府慨然有輯捐俸而銳爲之三閱月而告成不佞
數十年之繫思一旦躬逢廢舉缺修非厚幸哉猗之失載
皆易歲踰歲易紀踰歲之仍紀之迭遞相因而編錄泯泯
者百餘年矣地產之章器髹之枚若兌若枏若齒若藝剛
柔風氣習尚轉移詎今昔之能一乎非志何從識繁索識
盛衰識涇漓也故志之未舉徃詰之軌非不耳也史之所

耀非不目也耳者谷境而目者他書穆穆已耳志一輯其收之也以蒐乎其躅其蒐之也以匯乎其躅辟之珠玉在櫃矣古蹟之遺鄉也誰爲尋求攷核既明射覆摹疑悉可弗事緹帙披理當不苦於高標之神會焉續鳧脛反以憂斷鶴脛適以悲非所續非所斷雖宜之異乎然古有治於今以爲少戾今有治於古以爲不逮鑄古爲今變今返古悉於是志之稽得之則戾之爲是編也其益於猗稱洪注矣或曰是編成而垂之異世不易誠哉是言也夫戾翔之以慎訂之以確謀於鈔故詣極也滌於新故改觀也寧垂世之不永耶戾悉借手於孝廉諸生讓遜而不自居於裁

定孝廉諸生壹稟戾之指戾不得讓遜其不自裁定竟本侯意以善其成亦善治埴善治木者方圓曲直之各中矣不合於桑林之舞乎余役於王事有年未見出已俸爲地方脩廢舉墜者有之戾之外無再也戾持冰檠之操仁慈愛民又成此大典則余束髮所致思於邑之賢大夫若有待於今日直不孤數十年之翹望哉萬曆癸丑大中大夫原任貴州布政使司叅知政事邑人衛廉讓

不佞自蒙上體恤陟岵俞於山中終鍾釜雖無何而旌風木未嘗不念邑之無志輒喟然曰惜哉佗僚乎安得是缺之補也茲冲宇馬明府銳意圖輯書成以觀不佞不佞披

理全編又喟然曰美哉襄襄乎抑何廢脩墜舉於一旦也夫氣運之流地脈之靈有萃有散地靈即爲氣運氣運發之地靈而萃散乘之猗自武宗以來歷世宗穆宗今上百有餘年其間循吏齊驅東阿單父者趾相逮也士列賢書燒尾翊贊聖治勵於羔羊業纍纍起其瓌異竒行見之振纓鳴玉出之農忙嬾孺卷阿之標里巷之風童溪丹翠之麗樞杓兔鼠之秀淺闢庸種之業力子白徒之目古先賢哲遺跡隱顯悉屬之澶漫也孰從而蒐之羅之即有叩焉徒心注於摹神游於谷非氣運之弗萃地靈之有散乎今吾侯馬公當政成之日拳拳是志其言曰猗之失載也彼

且事因循吾亦與之爲事因循彼且卻拮据吾亦與之爲卻拮据則志猗竭至哉剗剗既就侯又有言曰吾爲猗四襮自多其爲此之益於地方即移而以予吾瑯琊鄉君子曰此吾之所以爲猗也可無愧所職矣嗟乎是言也固侯之自信實輿人信侯之自信者耳然邑之不可無志與國之不可無史埒侯慷慨任事俾猗有志而埒之史斯地靈吐符氣運之萃也易曰萃聚也觀其所聚而天地萬物之情可見是風氣萃而弗散則侯續盛保盛之政不大有造乎猗耶不佞兩叨爲令得竊覩他令之賢其竭慮抒精於有之至出懸魚之俸以業其官其人鮮也侯始籌所費

或援鄰例臬省會脩通志例開之謂需之徭金爲適宜侯曰徭出之民而吾需之是以猗志猗不以我志猗也惟錙銖不以猗吾始栩栩志得也嗟乎會稽九真侯豈少遜哉猗之氣運既繇侯義舉以萃弗散不佞山中雖衽風木當灑練一抃僂焉萬厯癸丑賜同進士出身大理寺左寺左評事邑人王國瑚撰

國家建置郡邑各有人物山川則有野史圖載志書所從來矣吾邑古稱猗頓卽伯犖封咫尺堯天希光舜日分隸晉邦亦仕國也縣志年遠編殘莫可稽考迨丁未夏通省脩志檄郡邑時邑侯盤陰馬公敦請孝廉某諸生某分曹

猗氏縣志

舊序

五

授藺有成帙矣會侯左遷未付剗劂猶然吾邑一欠事比瑯琊馬侯至因詢縣志稱烏有大爲嘆息一日檢前帙移書於予加潤色予念是集久已屬稿固不敢徵他人九仞之功而掠其美亦不敢惜自己一臂之力而不贊其成卽復書以情對侯於是治具延諸公補其脫漏又爲之捐俸資工作凡三閱月報成事而問序於余余方讀禮家居兼以不事筆研念志書紀載詳且盡卽碌碌因人焉用文之已復念邑之有志卽國之有史家之有譜不譜之家無統不史之國何徵故三代以來家有譜國有史俾後之人覩前脩而思兢勸吾猗號通衢稱疲瘠東有宏芝西有樊橋

往來迎送不乏夫馬鞭扑少寬若管支若行戶先期給價
不減分毫俟之潔已愛民無愧青天白日凡有血氣誰無
良心獨錢糧一節各衙之催徵如故小民之完納不前此
何以說無乃倉口分則經催溷而一時未能卒辦乎別處按季
邑分抑或坡地多則荒蕪易而大家互相影射乎我皆以此坡地
多而詭寄而別名而綽收而侵欺而借貸而分派而假領
而扣歷凡此追呼之梗因循不止一朝總之草歷一本爲
樊藪花歷二字滋躲閃淺言之則衆楚易淆深言之則更
僕難悉事則縣事人皆吾人口將語而舌躑筆欲投而指
動無已則本名之下其庶乎夫曰本名趙錢姓氏便於查也

猗氏縣志

舊序

曰本名之下地糧數目不難曉也地多糧多地少糧少計
畝均派按日定限誰封誰欠何姓何名捱里順甲一覽昭
然懲一儆百自有鑒裁喚李呼張寧假關報一切里長老
人戶頭店主與夫常行十排等項應存者存應汰者汰省
事節費杜擾息爭催科中當有撫字良規賢父母不爲逋
負受累則區區芹曝之忠或亦常絃之一助云萬歷癸丑
邑人喬應甲撰

夫志一史也周禮建史官而志之文出內史外史繇之故
昔天子有國史侯國有外史今我明以一統志簞乎大哉
若省若郡之各有志即古侯國外史之遺迨至邑之有志尤

根據國史外史鎔而成章者也邑無志無以載一同非吏
務矣歲庚戌余謁選爲令於格得猗余尚未履猗也念於
山右籍未覩猗書或訛之曰是豈文獻不足之國也耶既
視事詢所以紀猗者烏有也謂正德間有所輯歲且百故
冊多不存頃丁未夏諸臺檄通省郡邑脩志前令盤陰馬
君受牒摩研殺青未就盤陰歸中輟焉即盤陰所彙具盡
致上官未留筭一字逮癸丑歲幸於他所見原本一部急
購之而復舉剗剗之念益勃勃不可已迺遍謀之薦紳之
在里者集孝廉若而人諸生若而人消所群聚取初纂增
減之得十卷鳩工省試日惟孜孜昉於中秋竣以小春凡

三閱月而成不倭縱觀之蓋有以歎也夫一排纘也不成
之盤陰而成之不倭繫非數也與郇雖河東彈丸自西伯
封子代爲名區山水之躔異卉樹之畏佳視隘陋囂塵不
埒也士醮於鄉掄於廷接踵比肩鞭弭自倍爲黃鐘爲大
呂視箏鳴缶韻不埒也文章之奪芳縟采掀雷扶電入而
醉墨出而懷鈇視無根核之言不埒也且不倭待罪垂四
襁土俗民情自侈頗習唱于唱喁獨不見之小和之大和
乎民之易於治視蠢蠢縵縵又不埒也以是域而泯焉無
紀非地負人人負地矣不倭職專是敬責將誰諉其以慕
史失史而不爲史不若著史以有史也思有志而憚不能

志不若做志繕志以獲志之益也竊史之義以構志之文
不倭聊希中音得毋道責乎矧諸子本乎匠心竭才而出
之其稽考則恢皇駘蕩之圃也其敷藻則南都石黛之雅
也其體制則包竹元林之觀也其函帙則丹水藍田之比
也詎忝於史哉天下未始不因志重地因地重人志也史
也取重多耳僅僅知形勝知風俗知戶口知賦役之爲云
乎是舉也費出稱艱民間大祲無年不倭爲紆彫窶未遑
寧需之別途惟自捐薄俸兩季即鎔鍊不以煩之邑客曰
吾子拮据克成其賢於興廢補缺之政矣不倭爽然自失
然以余之謏劣得徵惠諸君子俾猗有志倘列外史以佐

猗氏縣志

舊序

八

國史令異日無文獻不足之歎則幸矣豈曰能賢萬歷癸
丑知猗氏縣事瑯琊馬孔昭撰

志識也史之屬也禹貢周官而下列國各有司存春秋在
魯晉乘先之春秋獸以魯著則仲尼之志在耳史以文勝
而仲尼舍文取義義以章志志以貞教故前可作而後足
述焉猗故文武肇封聖謨彞訓布在方策識大識小存乎
其人神而明之安見郇瑕不化爲鄒魯耶正德間邑嘗輯
志萬歷壬子續脩之逮今

皇清壬子逾六十載署艾斯土者烏奕後先率視爲蘧廬故
紙而不加之意我侯陳公新劄煥發治具畢張尤興廢爲

孳孳將討圖籍以釐正之會部院檄下諸長吏述厥職尤以質成 天府而前壬子之志殘缺未易補綴必草創焉侯乃揖鄉士大夫而謀曰燕工函粵工鑄習者良也余不敏初筮文獻之邦風土未諳而研削舊章遠所習矣典型在望幸二三君子明教之諸紳遜謝侯固請諸紳退而擬議以愚僭一日之長遂謀相推輓以復於侯侯從衆授簡焉顧愚頹齡薄殖烏能愉快勝任哉惟時大叅郭君省公以定省式問太史衛君伯嚴以休沐就舍皆人望也愚亟請於侯曰漢簡非私家之說夏屋必鄧林之材君侯成命僕無所逃綆短汲深願得郭衛二君提挈之侯既軾廬敦

趣更延校師文學以廣咨諏休哉得人具矣集思旁綜歷寒暨暑事無鉅細決筴壹稟於侯而侯終不以長人自用愚亦得藉諸君之力以告成且因致慨於載筆之難也夫志者將考采垂鑒也得其人則傳信非其人則遺穢故君子搯觚廩廩不啻臨深履薄誠以一日易欺千秋難恕莠言弗治將隳生平以徇之可不慎歟善乎漢荀悅之言曰立典有五志一曰達道義二曰昭法式三曰通今古四曰著功勳五曰表賢能時論以爲復古春秋記事之體則其志有所不苟焉爾是編也發凡舉例準於史表年首事祖於經摭羅廣矣而繁蕪必芟肴覈嚴矣而闕漏必補或撫

今以追昔則汙隆互見或隱惡而揚善則觀感相深雖匹夫之假權猶先民之直道布之寮梨庶不淪為杞宋哉而或疑舊志華而今也樸舊志略而今也詳何文質損益之懸殊乎愚曰志由事集事因時起語云時至則百志成其或繼此者行化裁以會典要則時異而志同愚且虛左俟之矣康熙癸丑辛未進士河南等處提刑按察使司按察使前吏部文選清吏司郎中協理兵部督捕堂事太僕寺少卿邑人王含光譔

文中子有言昔之史也辨道今之史也耀文旨哉言也春秋一書爲聖人傳心之要法其言與易象相表裏後之知

猗氏縣志

舊序

十

此義者蓋亦鮮矣記煩志寡遷固已不能無遺譏至陳壽依違魏事魏收規利修却其是非毀譽更爲踳鑿失古夫以國史之重詔脩之嚴而秉公論豎特識者猶不可多得况凡郡邑之志主脩者或不能重其事分脩者或不知嚴其義徃徃集陽鱗之猥儒恣雌黃之多口其於政教典禮風俗人材之大要則不能詳考其源流盛衰公言其升降得失而所鋪張紀載廼徒在山川臺榭之美詩文之富亦安望其良比董狐直如孫盛有當於古小史外史之意哉吾猗舊志自明萬曆壬子迄今六十年未脩豈曰無人蓋慎之也今邑侯陳公爲治之三月奉

詔脩一統志檄郡縣各以志上達於是銳志脩舉禮延鄉士大夫設局分纂而公復以簿書之暇親爲考訂凡八閱月而剗削告畢余不敏藉手邑侯之力日從廉使王公大叅郭公之後發篋載筆叅校前志凡所遺而未收或收而失實與所淆而未析或析而無當者槩從釐正至鼎革以來文物半成地燼故老幸未凋零於是勤肆筆於几牘徧著紙於溷籬信者必傳疑則闕焉諸若職方有紀以辨廣輪之數營建有紀以著規制之詳經制有紀以定財用之式藝文有紀以彰華國之業皆因舊名而增其闕漏刪其蕪穢已不無異同於其際至於紀典禮以思移風易俗則

倣古禮書樂書而爲之者也表官師表選舉以及封蔭異途俱列榮名則倣古年表世表而爲之者也傳名宦傳人物傳列女而忠孝隱逸之倫又各分附傳後則倣古列傳分合之體而爲之者也而且逸事叢談亦得彙於篇末異端襍術不以亂夫正經此皆叛之維新裁之以義而不復襲舊志之例者也而余所尤惓惓者則經制紀中明末加徵地畝九釐銀至今未蒙請蠲人物傳中孫達王璽劉以平馮守禮四先生至今未議崇祀二事實閔養教之切務所日望當事者之力舉也夫載筆而論者治法也作而行之在乎治人古之言作室者云規材授職主人任也程功

素能工師責也夫既以授之矣率作興事不愆於素其在所司哉其在所司哉康熙癸丑

賜進士出身巡撫貴州等處地方都察院右副都御史前順天府府尹山東承宣布政使司布政使內翰林院檢討邑人衛既齊撰

邑之有志由來舊矣咸壬子夏魁謁選猗令單車就道將詣境得覽猗志中多殘缺失次以是慨屢經兵燹之後不能保其全也粵稽猗志前無所考逮正德間有所輯嗣萬曆丁未前令盤陰馬君受諸臺牒編摩殺青未就中輟閱癸丑瑯琊馬君視事後舉搜遺藁而纂集之迄今蓋六十猗氏縣志

舊序

十二

年天道於此而一周人事於此而一變豈非運數之使然耶雖然時異世殊其間山川土田人民風俗不無滄桑之變宰是邑者即催科罔暇安忍聽其殘缺失次而不爲之所也適壬子孟秋大學士曲沃衛公疏奏各省通誌爲一代文獻至今尚未編脩甚屬缺典其奚以上佐

聖天子右文之治通行天下隨奉諸上臺檄俾各府州縣接古續今纂輯成書彙爲

太清一統誌恭進

睿覽敢不惴惴奉令惟謹但魁賦姿姿陋學識粗疎欲舉昔之殘缺失次者而全之力有未能然欲舉昔之殘缺失次

而全之之念又勃勃而不容已乃謀諸憲使王公大叅郭公詞林衛公三縉紳先生而不然釐定之志始堅於是蠲薄俸以先之而邑之紳士咸與相助以有成其昔之殘缺失次者庶可獲睹其全至若戶口丁徭地畝賦稅悉遵

本

本朝以爲則諸凡科名耆壽忠孝廉節舊無所遺新有所益要皆折衷於公論而後定竝非敢以私意爲去取也如芟繁就簡稽實敷華三縉紳先生之功也魁何敢襲而居之紀其事昉於壬子之冬竣於癸丑之秋溯厥馬君纂集之日洵六十年於茲所謂天道之一周人事之一變不於此而信然乎嗟嗟文獻之斑斑足考者猗之志也今而後可猗氏縣志

舊序

十三

無殘缺失次之嘆矣然魁誠魁老陋者也粗疎者也不過序其始末而記之又焉用文哉康熙癸丑知猗氏縣事實寶齋陳一魁撰

凡例

一 猗志大綱節目前賢亦甚精詳但都會郡邑各有體裁或從畧或從詳無所用其新奇此定則也志中諸目只可盡名之爲志不可分之爲列傳爲年表爲世家蓋太史公作史記自五帝至於秦漢乃法孔子作春秋行天子之事邑令雖等古諸侯然畢竟邑焉已耳躡而上之則僭矣敢云乎哉故條例悉從定體而較省郡加詳焉

一 星文乃璿璣定數下合地理分野建侯封國躔紀攸歸故曰實沈之墟晉人是居此三才之常非一時之

猗氏縣志

凡例

變祥異兵氛自應別紀以爲恐懼修省者戒

一 今日猗氏疆域非昔郇瑕之舊矣地當平行并無山川然總其大勢廣覽遐馭美哉三晉河山猶在也故仍冠以山川而形勝附之

一 祠祀自山川壇壝及有德澤於民者皆臚列焉崇正祀也外此俱載入寺觀不敢附於祠祀以惑民志

一 戶口以康熙五十一年編審田賦以雍正七年歸併開懇爲定則屯丁屯田更名田雜稅鹽政附焉只要總撒相符蓋今日各項名色俱入條編盡歸戶部遵聖王之制無所用其煩瑣矣

一 猗頓本魯人而遷邠國雖務魚鹽之業亦賢者也不然何至邑以人傳故特增入流寓

一 陳適孺荆宏祚張中斗錚錚鐵骨至性至情俱可千古宜入孝義似不必另設遺行一科

一 張汝霖宜入方技其學問淵博亦思邈流也邦有異人邦之光矣何可忽乎

一 茲志雖曰增修實存舊則凡藝文有關名教風化者盡存之若魯魚亥豕則考正之疑則闕焉其人物列女俱照新修府志或緣公舉增入無溢詞無遺行寧嚴毋濫挂一漏萬之誚不敢不任其責矣

猗氏縣志

凡例

二

一 邑志之有藝文非載道之書可比故性理之學先儒各有著述已自載文集中且又與大人長楊三都兩京詞賦不同以其非含英咀華體也一概不入邑志所志者皆一邑之人事或關政教或關風俗或詠山川或條陳地方利弊有裨桑梓其人其事其文足以垂遠則錄之若騷人逸士非留題古蹟憑弔前賢雖聲調高華力追正始而題非我邑之題景非我邑之景例亦不收蓋美不勝收也

纂修縣志姓氏

纂輯

同知平陽府事潘

錢清聞貢士山東濟寧人

校訂

原任猗氏縣知縣夏御乾

隸六貢士直隸豐潤人

重輯

知猗氏縣事宋之樹

鶴千乙未進士山東文登人

編次

邑

人

何世勳

柱峯辛卯舉人

邑

人

衛士樞

道輔丙戌進士陵縣知縣

猗氏縣志

姓氏

邑

人

喬雲閣

圖功癸卯舉人

邑

人

張彤

賜一戊戌歲貢

邑

人

令狐言東

二周庚子舉人

邑

人

衛訥

吉詞運司廩生

邑

人

郭為觀

叔瞻丙午舉人

邑

人

陳佃儀

淇瞻甲辰舉人

原編

黃

海

吳啓元

青霞

山

陰

高紹烈

朝皇

猗氏縣志目錄

卷一

圖考

星野

沿革

疆域

城池

坊鄉都堡

公署

學校

典禮

祠祀

橋梁

卷二

戶口

田賦

土產

風俗

郵傳

兵防

郵政

猗氏縣志

目錄

一

卷三

職官

循績

卷四

選舉

封廕

卷五

人物

忠烈

附武功

孝義

隱逸

方技

耆壽

卷六

列女

流寓

古蹟

邱墓

寺觀

仙釋

祥異

雜誌

卷七

藝文上

卷八

藝文下

猗氏縣志

目錄

二

猗氏縣志卷之一

同知平陽府事濟寧潘鏃纂輯

知猗氏縣事文登宋之樹重輯

圖考

古者天子臨軒左圖右史是圖者史之先也故邑志例得先畫圖考使四境之延袤廣狹山川形勢可一覽而盡而城池公署衢巷坊廂瞭然在目職斯土者躋堂布令權其本末輕重之宜而次第行之蓋其慎也從政者敬之哉

猗氏縣志

卷之一 圖

東至安邑縣界



北至萬泉界

疆域山川圖

猗山

齊村

龍岩寺

普濟堂

張岳鎮

西岳里

兩楊里

龍廟

鳴梁

道官

大魏里

太魏里

南至解州界

縣城圖

猗氏縣志

竟至東河縣界

卷之一

圖

先農祠

東

漏澤園

八蜡廟

節孝祠

廣惠橋

古縣

南嶽廟

射圃

柳伯廟

燕王廟 妙道寺

魁文閣

天王樓

大清觀

玉皇閣

文昌閣

泉澤

楊尉里

賈庄里

陳張里

西村里

天嶽山

山嶽

大陳里

古令狐

首里

百里店

任鎮

西至臨晉縣界

智橋

任柳里

黑龍潭

淡水故道

香落橋

香山

猗墓

柳城

楊堤里

千佛村

原頭橋

原頭里

風雲雷雨山川壇

三相坊

鐘樓

縣治

興教坊

社稷壇

武廟儒學

關帝廟

城隍廟



頤備舍

演武場

羅里

靈岩寺

義眉寺





猗氏縣志

卷之一

圖

三

縣治圖






聚奎池



學宮圖



猗氏縣志

卷之一 圖

星野圖

實沈之次

初畢十度餘八百四十一秒四之一



史曰畢主邊兵... 豐耗參為白獸之體... 將下三星銳曰伐為斬艾... 事小三星隅置曰紫麟為虎首主葆旅事南四星曰廁廁下一星曰矢黃則告東大星曰狼狼角變色多盜賊下九星曰弧直狼狼北地有大星曰南極老人老人見治安不見兵起東井主水衡事法令所取平也其西曲星曰鉞鉞北北河南南河兩河天關間為關梁四瀆江淮河濟之精也丈人主壽考子孫侍丈人為忠良孝謹之子明則臣忠子孝張衡云王者用法平則井明而端

猗氏縣志卷之一

星野

聖王御天下首重治歷明時唐虞以璿璣玉衡齊七政所以敬天也天體渾淪健行不息而諸曜列宿如輪旋轉其所經歷未必止于中夏豈流沙以西若木以東南海北海之外遂無所謂躔次乎故凌犯疾遲有驗有不驗君子惟恐懼修省朝夕乾乾而天官之書分野之說皆存而不論可也

春秋傳曰參爲晉星實沈參神也周禮保章氏注曰實沈晉也太史公曰晉之疆候在辰星占于參罰漢志魏

猗氏縣志

卷之一

五

地觜觴參之分野也唐志觜觴參伐實沈也初畢十度餘八百四十一秒四之一中參七度終東井十一度自漢之河東及上黨太原盡西河之地古晉魏虞唐耿楊霍冀黎郇其地上應天闕南曲之陰在晉地衆山之陽南曲之陽在秦地衆山之陰陰陽之氣并故與東井通河東永樂芮城河北縣及河曲豐勝夏州皆東井之分參伐爲戎索爲武政當河東盡大夏之墟上黨次居下流與趙魏接爲觜觴之分

又按史記云昂畢冀州觜觴參益州柳七星張三河晉志

因之謂河東入張一度爲鶉火之次其說與前異

論曰陸子淵嘗言分野之說難據謂以天之一度當

地之二千九百餘里則蓋載之形歆今按晉分冀參
秦益之分并鬼歷有成說或以觜參屬益州是益與
冀同一分野抑何地濶而天狹耶至柳星張三河周
分也而謂河東入張一度則又疑其以晉地為鶉火
之次而古州鳩董因等所占驗將何以準焉州鳩曰
晉主即
位歲在實沈董因曰
實沈之墟晉人是居茲故撫採史傳取其相傳久而
有明徵者以河東實沈之次為正吾猗古郇國也占
在參伐舊志云當參十度上為日月五星中道其亦
有所據矣

猗氏縣志卷之一

沿革

古者建侯封國以親親尊賢報有功尊有德其地犬牙相錯強弱相制凡以屏藩王室也秦置郡縣封建遂廢漢唐以後因革靡常或分或合雖世代之殊亦因時觀勢則然耳如我郇伯固文王之子也而後邑以猗頓名豈黍苗陰雨不及一魯人哉何為相傳至今也然邑俗重農積粟而不貴貨殖別流風豈因名稱為轉移哉

猗氏縣

唐虞夏商

皆為郇伯國

春秋屬晉戰國屬秦

置猗氏縣

屬河東郡

漢因

三國

屬魏

晉因南北朝

元魏改為桑泉縣後周復為猗氏縣屬汾陰郡

猗氏縣志

卷之一

七

隋屬蒲州自故

唐屬河中府

五代宋金

仍舊

元後復分置

明隸平

陽府蒲州

我

皇清因之編戶

舊分五十一里今二十七坊里

考猗邑本禹貢冀州之域其在唐虞夏商皆為甸服在

周為郇伯國郇伯文王第十五子也為州伯治諸侯有

功故春秋傳曰畢原酈郇文之昭也詩曰四國有王郇

伯勞之魯僖公二十四年秦伯使公子執紼如晉師軍於

郇辛丑狐偃及秦晉之大夫盟于郇春秋之末猗頓大

畜牛羊于郇南唐元和中聞喜裴均以參贊平淮蔡勞

系封郇國公今縣南王寮村故城相傳為古郇云春秋

時又稱郇瑕氏魯文公十二年秦以晉入瑕十三年晉使詹嘉處瑕以守桃林之塞魯成公六年晉人謀去故絳諸大夫皆曰必居郇瑕氏之地杜氏注曰倚氏東迨北有瑕城是也

秦併六國分天下為三十六郡遂以倚氏置縣屬河東

郡蓋因倚頓居名也漢屬并州河東郡新莽改屬洮陽

郡東漢光武復洮陽為河東郡晉分天下為十九州以

倚氏屬司州河東郡太原王卓以司空封倚氏侯今神

道碑猶存元魏太和十一年改屬秦州析二縣隸河東

郡者為倚氏隸北鄉郡者為北倚氏魏恭帝二年改倚

氏為桑泉縣後周明帝宇文武成元年復改為倚氏屬

倚氏縣志

卷之一

汾陰郡隋開皇三年罷汾陰郡改屬蒲州十六年析倚

氏置桑泉縣大業九年廢縣自古城徙今治唐貞觀初

分天下為十道以倚氏隸河東道開元九年改蒲州為

河中府宋至道三年分天下州軍為十五路以倚氏屬

陝西路金屬河東南路元至元三年併萬泉入倚氏縣

十六年復仍分立明洪武元年都督康茂才帥兵至縣

尹張恕率眾歸附二年罷河中府改屬平陽府

本朝因之後改隸蒲州府

論曰禹貢止列九州而虞書則言肇十有二州大小分

合之故自三代以前已莫之定而何論于更置郡國之

後哉吾猗自郇伯啟國晉有猗氏侯唐有郇國公藩封之建置重已隋析猗氏置桑泉元併萬泉入猗氏幅頓之廣狹抑又殊焉元魏以河東屬秦州宋以河東屬陝西路析晉入秦視古制似為大異然嘗以十道表九域志考之河東郡蒲州屬也平陽郡晉州屬也二郡分立舊不相攝故唐宋金元皆以蒲州為河中府自明罷河中俱隸平陽天啟間屢議分置卒不果行夫制邑居民則壤成賦必絜廣狹多寡之數而較若畫一稱至善也國初天下府之大者多轄數州數十縣如真定西安開封平陽濟南成都等而府之小者每至無州可轄甚至無縣可轄如漢陽興化止二縣

猗氏縣志

卷之一

思州開化今則哀多益寡割遠就近分合得宜控制亦等為獨府易誠疆理天下之良規也歟

郇伯遺封畧載水經之注猗頓故蹟猶存貨殖之書始則地以人傳繼且名隨代異雖山川封表如故而疆域分合不常觀茲沿革之詳頓覺今昔之異

沿革續

國朝隸平陽府蒲州雍正二年以蒲州直隸山西布政使司六年再陞為蒲州府以猗氏及永濟榮河臨晉萬泉等五縣屬焉

猗氏縣志卷之一

疆域

古帝王建極御世拓土開疆仰應星躔俯察地理誠以
肇鴻基而樹屏藩也猗氏為唐虞甸服周封郇伯于茲
為侯國其後徙為郡邑屢更遞變無異滄桑然川原形
勢疆域延袤尚可溯而考也采下里之風謠尋桑泉之
舊蹟可以觀勝概矣

考縣疆域東至安邑縣張岳村界一十八里南至解州
小侯村界三十五里西至臨晉縣任尚村界二十二里
北至萬泉縣小桃村界三十五里廣四十里袤七十里
自縣治西南至蒲州一百一十五里北至平陽三百二
十里至省城九百四十里至京二千里

山川

峩眉坡

在縣北門外東連聞喜西入蒲坂綿亘蜿蜒至縣北支龍如掌踴躍南行遂結縣治

千佛嶺

在縣南八里相傳古浮屠基故名脉自聞喜香

南逝嶺隆起逼捍之蓋縣治內案也

鳴條岡

在縣南二十里自安邑來軀幹委蛇分條布葉繚繞縣南蓋縣治外羅也東望蔚蒼舜陵在焉

涑水河

在縣南六里源出絳縣絳水始自乾澗伏流盤

渠入五姓湖宏治十六年御史會大有因害監疏請浚河八十里本府同知許莊督工引稍北由孟盟入河

澤泉

在縣南門外地故偃豬浸泉成澤四時不涸萬一開坡水大至澱澤壅塞泉遂涇

文安泉

在縣東北仁壽寺右一泓澄澈自城東遠縣南入涑水時溢縣多科第故名嘉靖乙卯地震北

關文未濟舊名文運泉

雙壁泉

在縣西北五里靈巖寺後明萬曆十八年二泉湧出南流五十餘步後每泉出則邑中多中父

子進士

黑龍潭

在縣西南二十里廣半畝深丈許居民遇旱禱雨輒應潭左有泉又涇邑紳王含光濟之引開

水田若干畝今復涇

形勝

北枕崑原南憑涑水田廬錯繡桑柘鋪荼境內無名山大川而遠岫重谿俱歸襟帶誠墟莊之衝要四塞之奧區也

猗氏縣志

卷之一

十一

論曰猗居河山之心腹當秦蜀之咽喉南曰解梁北

曰萬泉東曰安邑西曰臨晉猗介其中在前代實兼

有四邑之地其見于傳者晉公子重耳反國濟河圍

令狐入桑泉令狐在今縣西十里桑泉之析置則自

隋開皇十六年始也又春秋杜氏注郇瑕之地沃饒

而近鹽郇在解西北鹽今猗氏縣鹽池也魏都賦注

曰鹽池在猗氏縣四十六里柳子厚曰猗氏之鹽晉

寶之大也唐書地理志注猗氏為次畿地有孤山然

則令狐桑泉皆猗地也鹽池孤山故猗屬也中條南

峙景山北聳涑水左紆黃河右繞凡四邑所有名

皆邑之居中而肆牧焉者也元王思誠詩云條山河
水壯封疆城外崱原百里長蒲坂東通猗頓宅桑泉
南下接虞鄉蓋亦統諸邑而論之也自後分域辨方
各據所有而邑乃塊處彈丸若逃稽典籍咨度重輕
則猗之形勢詎可以幅幘限哉

十景

崱崱曉耕

在城北青坪如級城中歷歷可指
開雲推月出入息唐風之遺也

涑水春漲

在城南八里東山雨集波濤洶湧魚龍
出沒酷類江湖沿河阡陌多資灌溉焉

古壘秋風

在城內唐馬莊武屯軍處也雉堞平臨
蒼宮森蔚涼颼秋發如聞萬馬奔騰

龍巖夜月

在城東龍巖寺東廊後嶺巒飛軒當條稷之
豁望夕月湧素魄先投崱崱第一勝槩也

猗氏縣志

卷之一

十二

雙塔斜影

在城內妙道寺一在寺內一在寺外摩天礙
日轟轟對峙夕陽返射直影斜連有機峰相

勢敵之

對澤晚牧

在城南門外滄浪凝碧綠縵展茵遂短
歌長時與水禽相訢答不知日之夕矣今廢

東原早行

邑無驛站旅人多東關客舍鷄聲
河橋柳色陽關疊唱背指渭城矣

孤峯晴雪

孤山山海經名景山在萬泉縣其南麓與猗
接壤積雪乍晴旭光照耀如玉障橫空最宜

眺遠

長堤柳浪

在城西南二十里邑侯高公向極所築也綿
亘十餘里以遏涑水南潰平蒼高柳與清波

相掩映而近野天挑揀堪鱗
接春朝流矚興當不減濠梁

南澗荷香

距柳堤數武涑河故道也北有黑龍潭潭左
有泉涓涓南流可十里餘荷稻相間小構丘

亭堪為諸
景之冠今廢

猗氏縣志卷之一

城池 坊鄉市鎮附

昔先王設險以備不虞因築城鑿池以衛民而禦暴蓋先患預防亦陰雨綢繆之意也猗邑平行無邱陵可憑升陴濬隍更所宜急其坊鄉市鎮溝洫道涂並昏以時加意焉防外患于未然念前勞之非易莅斯邑者尚其重之哉

縣城

周九里十三步高三丈廣一丈五尺

門樓 四處敵臺

一十座角樓 四座警舖

六十處塚口

共一千九百三十個池

濠深二丈濶三丈內穿城道濶六尺有餘

考猗邑憑崑麓為土城唐興元元年節度使馬燧所築

猗氏縣志

卷之一

十三

時李懷光叛據河東燧破之以猗居雍洛之間當三晉之衝因留屯築壘焉今相傳城內東北隅古縣疑即其地也形家言邑城取龜形為勝槩頭在東北宜設二圈城為龜眼如建倉司于古縣則居民大有利云城門四舊名東曰崇仁西曰尚義南曰招薰北曰拱極明隆慶二年知縣江濶始修磚堞改門名東曰朝京西曰通秦南曰迎薰北仍曰拱極萬曆十四年知縣陳經濟剏起門樓四座甃之十八年知縣黃道見疏浚城濠築圍墻植樹木二十四年知縣郭九有增植樹木更茂舊四門缺月城崇五年邑紳荆可棟倡縣民增築之東曰迎

凍西曰帶河南曰賓旭北曰蟠蛾更于吳地建文昌閣
樓城下設鐵倒門外置圍欄築重城知縣李昌齡爲之
記

國朝康熙二年知縣楊乾晉重修角樓并城東西門樓加
以扁額東曰神州右臂西曰秦蜀咽喉

鎮堡

杜村鎮城

在縣南土堡周三百六十步高一丈五尺

下任鎮城

在縣西土堡周三百八十步高一丈五尺

張岳鎮城

在縣東土堡俱明嘉靖二十二年縣丞王鉞修

論曰城所以盛民也謹啟閉譏出入蓋無事而爲有

猗氏縣志

卷之一

十四

事之防者貴乎豫也猗當明季屢歲兵荒城郭蕩然
其舊時各鎮亦空存故址耳我

朝加意撫綏生聚日久其城鄉村堡星列碁布漸復舊觀
猶望守是土者以時修葺捍患未然庶足以衛民生
而計久遠也

倚氏縣志卷之一

坊巷里都

後市前朝奠居因乎王制遴賢表節殊榮荷自天家畫井分疆既羣居而比處進修勸學速易俗而移風丕哉一道之休詎曰十室之邑

邑城內有四坊外有九都明初編戶五十一里正德七年併為五十里嘉靖三十四年併為四十五里萬曆四十年併為四十里

國朝順治十五年併為二十三里

興教坊

城內西北地以儒學在焉故名

巷二

猗氏縣志

卷之一

十五

莊武坊巷

自街口至北門

城隍廟巷

自坊牌至廟後達北門

崇道坊

城內東南地以清觀在焉故名

巷二

天王樓南巷

自街口至南門

水撞巷

自街口至太清觀達南門

三相坊

城內西南地唐張三相舊居故名

巷三

鐘樓巷

在布政司前

坊門南巷

自街口南至城舊有水窻今湮塞水路猶存明萬曆

間文苑榮戟二坊併為一後燬

貴戚坊

城內東北地唐貴戚曾居焉故名

巷二

儒林巷

自街口至射圃

天王樓巷

自樓前至古縣

南岳廟巷

自街口至廟後

翟村都

城外鄉 轄里二

翟村里

轄翟村里寺村許家塢

大陳里

轄南大陳西

陳建庄衛村下陳村百
夫村東陳程西陳程

下任都城西鄉轄里二

下任里 轄下任鎮初店村
兼轄下趙村西初村
原頭里 轄東原頭周家

東水南西水南屈家庄荆楊村令狐村上趙村何家
庄陳范村張廣村
兼轄王村下趙村百里店村

初王都城外西鄉轄里三

初王里 轄初任村王景村北智光
兼轄南智光南陽村
任柳里 轄東初村

兼轄西初村南
智光印家營
楊鹽前里 轄慈楊官庄南
岳村鐵匠營

大姚都城外西鄉轄里三

大姚里 轄大范村姚村杜村里
兼轄香落村
轄杜村鎮沿村南家

楊鹽中里 轄上庄下庄王寮

猗氏縣志

卷之一

十六

楊姚都城外東鄉轄里二

楊姚里 轄南楊姚北楊姚東里寺狄
家營黃儀南西新庄張嵩
百俊里 轄百俊

村孫里村
太侯村

喬申都城外鄉轄里二

喬申里 轄西喬楊申村東朝村李漢村東三里西三
里陳家新庄楊家庄馬家營
兼轄高頭村

楊妃
村
景郭里 轄景滑田村郭村楚
侯翟家庄小南村

兩楊都城外鄉轄里二

兩楊里 轄大楊村小楊村上里景村孫家庄
黃闢景神右堡董家庄梁家庄楊斜
西岳里

轄高家塚新庄張岳南岳
趙家庄
兼轄高頭村

楊尉都城外東鄉轄里三

楊尉里 轄楊庄 尉庄 景庄 大閭村 小閭村 齊村里 轄齊村 景村 羅村 泉兒杜村 北里村

張滑家里 轄南景村 西里 東里 呂家庄 石家庄 東里堡

西村都 城外 西轄里四 西村里 轄張白村 雙樓村 東陳 翟陳 張里 轄陳庄 張庄 李家庄 南薛村 翟庄 南庄 樊家庄

陳家庄里 轄陳家庄 北王庄 閻家庄 南王庄 賈庄里 轄賈庄 高家庄 北景村

屯田坐落 王寮前屯 東里寺屯 黃闕景屯 王寮後屯 初村屯 四大夫屯

羅村屯 丁家屯 北景村屯 齊村屯 窑上屯 景庄屯 張村屯 三里屯

按舊志城內大街東曰和順西曰豐樂南曰顯明北曰靜寧其時閭閻鱗錯致貨聚財足稱物力之盛自明季亂後東南北三街居民寥落廛肆俱廢而各鄉

里都人多逋亡田半荒蕪我

國家休養生息八十餘年加以蠲租賜復 恩膏叠沛生齒既蕃田疇悉闢民氣和樂安土重遷每遇歲時會集肩摩轂擊雖物產初無奇貨可居而羔狔犢特耒耜粟布克盈闐闐足資民用非深仁厚澤重熙累洽何以有此然則勞來安集養欲給求非良司牧之責而誰之責哉

市集附

莊武王廟會 三月八日 城隍廟會 十月五日 關王廟會 十二月八日

東關集 每月五日 十日

高頭里會 正月二日 杜村鎮集 每九月三日 下任鎮集 每二月十五日

坊表附

步蟾 為舉人 鐘鑄 立 折桂 為舉人 張縉 立 王相 為舉人 趙煥 立 登瀛 為舉人 陳豫 立 舉

子 為舉人 何清 立 英才 為舉人 王安 立 冠英 為舉人 趙普 立 重輝 為舉人 荆詡 立 飛騰 為舉人

衛聰 立 俊英 為舉人 張錫 立 濟美 為舉人 張純 立 登雲 為舉人 張宗 立 蜚英 為舉人

人宋 世科 為舉人 王龍 立 攀龍 為舉人 程敬 立 聯芳 為舉人 宋震 立 進士 為舉人

敬 紫誥 重褒 為勅封員 丹桂 秋香 為舉人 王紹 立 折桂 為舉人 大夫 荆

立 褒封 為勅封員 文林 丹鳳 朝陽 為舉人 荆辰 立 鵬搏 為舉人 王璽 立 進

士 為進士 王璽 立 彤廷 賜第 為進士 朱進士 為進士 何天寵 勉

封 為同知 何文星 拱極 為舉人 李天府 登名 為舉人 王宗 立 甲

猗氏縣志

卷之一

十八

科錫第 為進士 王宗 立 省殿 掄魁 為進士 何父子 經魁 為何尚

序 父子 同科 為舉人 令狐 槐 立 紫誥 重褒 為舉人 鳳閣 承

恩 為勅封 御史 鎮撫 三秦 為都御史 大中丞 為都御史

世魁 三晉 為壬午科 經魁 何尚德 壬子科 亞 三世 參知

為誥 贈 參政 荆現 誥 封 參政 九重 錫命 為戶部員外 劉

荆來 貢 陝西 參政 荆州 俊 立 大司 寇第 為刑部 右侍

劉以 觀光 為序班 肅儀 為序班 立 皇恩 旌節 為行人 王春

理學 世家 為王氏 祖孫 父 立 旌表 為義民 趙貞節 妻 何氏 立 以上 經明 季

為孝子 旌表 從政 立 亂多 燬

天朝 旌節 為喬妻 妻 節壽 雙全 為喬妻 妻 父子 鄉賢 為

令狐氏 立 節壽 雙全 為喬妻 妻 令狐氏 立 父子 鄉賢 為

導喬繼宗封御史喬梓立天朝總憲為右都御史奕世承恩為訓導

封御史喬梓為雷汝茂天朝旌節為雷汝茂天朝旌節為雷汝茂

旌節為雷汝茂天朝旌節為雷汝茂天朝旌節為雷汝茂

論曰棹檝所以表媿也邑當全盛時列坊樹旌光暎

里閭其足厲風化聳觀瞻者何衆也明季寇亂在城

者十無二三而鄉村僻壤存者亦皆圯敝然鳴珂通

德奕世馨傳碎錦烏衣後人憑弔是凡名門勝蹟百

世下猶深人愾慕况乎忠孝節義之風更有不與兵

火同盡者乎備錄之以志舊也

猗氏縣志卷之一

公署

君子嚮明而治則有公署蒞斯位者政令于是乎行教
化于是乎興可不慎歟顧苟簡者往往以傳舍視之其
侈宏麗者又雕楹刻楠日事興作二者交失之矣邑公
署初建于元大德間歷代修葺並未過侈吾願繼其後
者敝則理之否則安之勿蹈二者之轍惟尊五美之訓
則攸躋攸寧永善其後矣

縣治在城內西偏元大德戊戌縣尹閻壁建基址二十
八畝三分明洪武二年重建宏治十一年知縣徐誼更

猗氏縣志

卷之一

新其制嘉靖乙卯地震諸官舍俱傾頽知縣韓應春重
修

大堂

五間舊扁曰忠愛堂知縣于時榮更題曰如保堂

堂東三間

按舊制當為贊政廳一曰

幕廳明萬曆間名為武庫今為倉房

堂內耳房

新增東二間移置承發司西二間移置武庫

兩廊吏曹房

東七間為吏戶禮房舊置承發司附于東今移堂內耳房西七間為兵刑工房

舊制舖長司附于西今移東廊房

甬道前班房

東西各一間為皂隸房

戒石坊

在甬道前知縣陳經濟重建上勒戒石銘攝縣事本府同知潘鐵重修

儀門 三間東西

土地祠

儀門外三間東三間西房各五間舊在儀門內東南今在土地

寅賓館

儀門外三間舊制為收稅所大

門 三間上

旌善亭

大門外東三間今廢亭為關王廟

申明亭

大門外西三間

今廢榜房在大縣門坊東曰守土又東曰文武藩封獄
在西南內房九間

二堂三間堂東三間按舊制當為架閣庫今磚樓在東南

堂西耳房新增一間後堂移置官庫兩廊房東三間為書東房

知縣宅在二堂後知縣錢甫生重修

縣丞宅在大堂東

主簿宅在大堂西北天啟中缺裁

典史宅在大堂西主簿宅前

吏廨二所一在縣丞宅東南一在主簿宅西南

行臺

猗氏縣志

卷之一

察院司在縣治東基址四畝五分舊為河東道明宏治

十一年知縣徐誼改建

大堂三間兩廊班房各三抄案房東西各一間儀門三間東

各一大門三間察院坊左曰激揚右曰整肅後堂五間東西房各三

退堂三間東西房各三厨舍二間今俱廢

布政司在縣治南基址一畝五分明宣德十年知縣張

嵩建

大堂三間兩廊房各一抄案房各一儀門一間東西角

大門三間退堂三間東西房各一厨房一間今俱廢

按察司在縣治西東向基址一畝三分舊為府館明永

樂四年知縣郭慶改建

大堂三間廂房南北各一間儀門一間左右角大門三間退堂

三間南北房各一間廚房一間今俱廢

屬解

稅課局在縣治東大街北明萬厯間廢

陰陽學在縣治東北明萬厯間廢

醫學在縣治東明萬厯間廢

僧會司在妙道寺

道會司在太清觀已上今俱廢

公所

猗氏縣志

卷之一

二十三

凍河橋公館一所今廢

東門外公館一所明崇禎十年知縣李昌齡修

正廳三間兩廊房東西各一間大門三間後堂三間今廢

鐘樓在縣治南明萬厯五年縣丞張順治建二十九年知縣郭九有重砌之有碑

論曰書云若考作室既底法厥子乃弗肯堂矧肯構

有司承平積翫百度廢弛且有併已成之堂構而任

其敝壞不治者何言底法哉夫上棟下宇身之所庇

也政教之所從出也而憚于修葺日就傾圮遲之又

久工費滋鉅必至勞民力糜民財此弗洒弗掃晉昭

所以貽譏不陂不梁單子所以致嘆也

國家景運日隆修廢舉墜尚望良司牧奮然行之俾入其
邑者觀其廉隅而知政事之修飾焉可耳

猗氏縣志卷之一

學校

嘗聞安上全下莫善于禮移風易俗莫善于樂而要以學校為先學校者禮樂之所歸也故人生七歲出就外傳黨有庠術有序至十五而入大學教之育之以觀其成蓋先王造就人材若斯之重也我

皇上崇儒重道于學校師儒大慎其選則凡膺斯職者尚其于多士加之意哉

文廟

大成殿五間東西廡各十五間內東廡南二間為神厨庫西廡南二間為祭酒庫今又以東廡

猗氏縣志

卷之一

二十四

北三間為經籍庫戟門三間類池在戟門前齋所在洋池東三間舊為

神厨在洋池西三間今改為忠義孝弟祠櫺星門三間東西大門東曰義路西曰

禮琉璃照壁舊在櫺星門前明天啟中邑紳喬應甲拓地基增洋池于門外移照壁于外洋

南廟門坊東曰德配天地西曰道冠古今

崇聖祠在文廟東北三間萬曆二十年知縣李景登更宏其規三十三年署教諭胡如穎立樓門

名宦祠在文廟戟門外左三間

鄉賢祠在戟門外右三間舊以神厨所為之後改建

祭器庫在西廡北舊籩二百四十豆二百一十五爵一百二十四簠一十五簋一十四爵七十六俱錫器大

香爐一大燭臺一俱鐵器今俱損失

順治十五年邑紳新置籩豆二百銅爵十三箇

制書庫

舊制當在尊經閣已無閣以東廡北為制書庫內藏四書大全五經大全性理大全儀禮集注周易會通資治通鑑朱子綱目通鑑紀事本末朱子語類近思錄藝文類聚小學太極圖說真西山讀書記五倫書禮書諸禮集要明御製大誥今俱散失

儒學

倚係大縣額廩二十二名

明倫堂

在文廟後五間兩齋東曰崇德齋五間西曰廣業齋五間又東曰日新西角門東曰毓秀西曰興賢日時習各三間

敬一亭

在堂後三間明嘉靖中知縣李景登起臺重修

教諭宅

在堂西北廚房在堂東三間今廢

訓導宅

一在東齋後改建尊經閣一在西齋後

魁文閣

在廟坊東門衢四達樓閣巍峩邑紳何東序題額東曰唐虞奠域西曰文武藩屏南曰郇雲倚

猗氏縣志

卷之一

二十五

漢北曰嶺宇鍾祥

尊經閣

在東學道北康熙二十三年進士王含直創建有記

儒林坊

在閣南街口榜曰文運宏開

射圃

舊在學西明嘉靖三十三年巡鹽御史宋儀望移文知縣韓應春署教諭王三益改建學東北拓基七畝五分中為講堂五間西廊左右齋各三間後為退齋三間號舍二十八間庫三間廡三間儀門三間大門三間後廢萬曆中義民何東觀出首地基房經乙卯地震圯頽無存天啟中舉人耿始然改建知縣賈公生祠以其餘地為郇伯廟

順治十八年知縣楊乾晉持毀生祠仍存射圃舊址

學田

在城西五里翟村計地八畝今發俱入民田起科

養廉倉

明萬曆三十年巡按御史趙文炳發本銀四十兩學史暨省祭執掌出入每年子銀加二本學

生員有貧窮婚喪不能成禮者用子銀給賑母銀長存今廢

社學

一在東門內崇道坊街南一在北門內興教坊街西明宏治十三年知縣徐誼建今俱廢

書院

在東門外今俱圮

考學宮在縣治東基址二十五畝五分金成安二年建

明洪武三年重修嘉靖三十三年巡鹽御史宋儀望移

文知縣韓應春增修三十四年地震頽圮三十五年韓

應春重修經筵官韓邦奇撰記萬曆九年知縣賈一鶚

鳩士民重修改學道于右二十年知縣李景登復改學

道于左構得民居闢明堂五丈餘并建魁文閣邑紳何

東序為之記天啟三年邑紳喬應甲更構民居拓地基

增修外池學道左右二門俱開 順治十五年生員荆

猗氏縣志

卷之一

二十六

可憊以捐貲修學入成均補苴未久門廡敞漏康熙九

年署縣事聞喜縣丞董國政署教諭竇復伸倡闔學重

修泮池 康熙十二年重修大成殿十九年舉人王巖

楨重修兩廡魁文閣名宦祠有記二十三年進士王舍

直創建尊經閣有記三十二年重修啟聖公祠有記四

十年重修祭器四十一年重修戟門泮池有記五十二

年重修兩廡名宦鄉賢兩祠

雍正六年知縣宋之樹倡眾重修魁文閣道德儒林三坊外泮池有記

論曰三代以來不與并田封建俱廢者惟學耳明初

尤重學校郡縣師儒必極一時之選而且為之置學

田以養士頒書籍以教士祭器以習禮射圃以觀行

社學以廣教童蒙鄉飲以崇尚禮讓法綦備矣而一時公卿大夫亦皆重道崇儒雅意作人于是遍立書院廣置倉廩所以佐天子之德教成菁莪棫樸之化者無不詳且至焉迨後日久廢弛文廟徒以棲神主學宮徒以居學博教諭之實不聞齋舍之名虛設甚至祭器失守書籍散逸隱占官地私建淫祠并其餼羊而去之者吁可悲也我

朝隆重學校慎簡師儒凡為司鐸者勿傳舍其官可矣教始於一鄉化及乎天下考辟廱之鐘鼓禮重瞽宗聆下邑之絃歌情欣泮水蒸我髦士庶為邦家之光遐不

作人可觀菁莪之化

續

崇聖祠

雍正元年追封父為肇聖王

先師五代皆為王爵

木金

王

伯夏為昌聖王

啟聖公為啟聖王

防叔為詒聖

忠義孝弟祠

在學宮戟門外舊有西房三間雍正五年知縣宋之樹改建有題名碑記

節孝祠

在東門外正房三門牌坊一座雍正五年知縣宋之樹捐建

義學

在城內

猗氏縣志卷之一

典禮

聖王之制禮也朝覲會同有其時郊廟禋祀殊其等冠婚喪祭別其分燕饗俎豆備其物釋奠臨雍治兵振旅飲射讀法將之以忠信誠慤文之以揖讓周旋節之以登降疾徐嚴而泰和而節豈故爲委曲繁重以煩苦天下人哉所以辨上下定民志也故曰安上治民莫善於禮移風易俗莫善於樂

文廟祀典

先師廟號漢平帝稱宣尼公北魏孝文帝稱文聖宣父後

猗氏縣志

卷之一

二十八

周宣帝封鄒國公隋文帝稱宣師尼父唐元宗謚文宣王宋真宗謚元聖又改至聖元武宗號大成至聖文宣王明嘉靖九年更號曰至聖先師孔子繪像始自漢靈帝光和元年畫先聖及七十二弟子像唐元宗開元八年特爲魯參塑像坐于十哲之次圖七十弟子及二十二賢于廟壁出王者衮冕服衣孔子宋大中祥符間加冕九旒服九章桓圭一令以玉易木崇寧四年加冕十二旒服九章金大定十四年用冕十二旒加服十二章纁旒九就明洪武十五年命宋訥撰敕撤南京大學及天下郡縣學像成祖八年視北京國學因元時塑像猶存不忍遽毀而諱曰宣長山

諸邑章服不古有詔改正天順中蘇州知府林鶚始因泥像剥落易以木主至嘉靖釐正通行而北雍古像盡撤矣從祀先儒自洪武四年黜楊雄進董仲舒正統二年以宋胡安國蔡沈真德秀從祀八年以元吳澄從祀宏治九年以宋楊時從祀嘉靖釐正祀典罷祀公伯寮秦冉顏何荀况戴聖劉向賈逵馬融何休王肅王弼杜預吳澄十三人改祀林放蘧瑗鄭衆盧植鄭元服虔范甯七人于其鄉增入后蒼王通歐陽修胡瑗陸九淵從祀隆慶五年進薛瑄萬曆十二年進王守仁陳獻章胡居仁三十九年增宋羅從彥李侗從祀今康熙五十二年進朱熹位于十哲次五

十四年以宋范仲淹從祀

先師廟祀明洪武初定樂章舞六佾命製大成樂器頒行天下府州縣學樂用登歌朔望令郡縣以下詣學行禮嘉靖釐正祀典春秋仲月上丁以正官爲獻官縣佐教官爲分獻官崇禎十年知縣李昌齡實始教肄禮樂焉

樂章

大哉孔子聖道尊崇維持王化斯民是宗典祀有常精純並隆神其來格於昭聖容迎神

自生民來誰底其盛惟師神明度越前聖采帛具威禮容斯稱黍稷非馨維神之聽奠帛

大哉聖師實天生德作樂以崇時祀無斁清酤維馨
嘉牲孔碩薦修神明庶幾昭格 初獻

百王宗師生民物軌瞻之洋洋神其寧止酌彼金罍
維清且旨登獻維三於嘻成禮 亞獻終獻同

犧象在前俎豆在列以享以薦既芬既潔禮成樂備
人和神悅祭則受福率遵無越 徹饌

有嚴學宮四方來宗恪共祀事威儀雍雍歆茲維馨
神馭還復明禋斯畢咸膺百福送神奠瘞同

樂曲

咸和 迎神徹饌送神 寧和 奠帛安和 景和 三

猗氏縣志

卷之一

三十

樂器

麾一 祝一 敔一 琴六 瑟二

篳六 笙六 鳳簫二 橫笛六 引節二

鐘十六 磬十六 塤二 篪二 搏拊二

應鼓一 翟籥合四十八

樂生三十六人 舞生三十六人 歌生六人

陳設

至聖位前祭用帛一羊一豕一爵三登一釶二 中登為太羹煮肉汁

不用盥醬兩傍釶為 簠二 盛黍 簋二 盛稻 邊八 盛梁

和羹以猪腰羊膋造 豆八 鹿脯二芡三栗

一菱二榛三棗四形 菹五 韭 蕷六 菁蕷七芹蕷八菲蕷

鹿醢七 兔醢八 魚醢〇 會典載九
祭丁品物非其土產者以所產代

四配前祭爲四壇各帛一爵三登一劔二簠一簋一籩
六豆六共用羊二猪二

十哲前祭東西二壇各帛一羊一豕一爵五劔一簠一
簋一籩四豆四

兩廡祭各十二壇每壇爵四簠一簋一籩四豆四共用
帛一豕一羊一

祭儀

祭前一日執事者設香案牲房外獻官常服詣省牲
所省牲宰牲盛毛血少許于盤是日觀樂習儀齋宿

及期質明鼓三嚴樂舞生就位執事者各司其事陪
祭官分獻官獻官以次就位瘞毛血舞生執羽籥迎
神麾生舉麾擊祝樂奏咸和之曲奏畢贊拜樂盡麾
生偃麾櫟敵樂止奠帛行初獻禮詣盥洗所盥畢詣
酒罇所司罇酌酒詣至聖前麾生舉麾擊祝樂奏寧
和之曲跪奠帛獻爵俯伏平身詣讀祝位麾生偃麾
樂暫止衆官跪讀祝文曰維某年歲次某甲子某月
朔某日某甲子某衙門官某等敢昭告于至聖先師
孔子曰惟師德配天地道冠古今刪定六經垂憲萬
世茲惟仲春謹以牲帛醴齊粢盛庶品式陳明薦以

復聖顏子宗聖曾子述聖子思子亞聖孟子配尚享
讀畢俯伏興平身麾生舉麾樂生接舞奏先未終之
樂詣四配前跪奠帛獻爵畢俯伏興平身行分獻禮
各獻官詣盥洗所盥畢詣酒罇所酌酒詣東西哲詣
東西廡神位前俱跪奠帛獻爵畢俱俯伏興平身復
位樂盡麾生偃麾櫟敵樂止行亞獻禮麾生舉麾擊
祝樂奏安和之曲禮同初獻畢麾生偃麾櫟敵樂止
行終獻禮麾生舉麾擊祝樂奏景和之曲禮同亞獻
畢麾生偃麾櫟敵樂止跪飲福受胙畢俯伏興平身
復位拜興平身各官拜訖徹饌麾生舉麾擊祝樂奏
猗氏縣志

卷之一

三十二

咸和之曲執事稍動籩豆司節引舞生序立樂盡麾
生偃麾櫟敵樂止送神麾生舉麾擊祝樂奏咸和之
曲拜興平身各官拜訖樂盡麾生偃麾櫟敵樂止讀
祝者執祝進帛者捧帛各詣瘞所望瘞麾生舉麾擊
祝樂奏咸和之曲捧祝帛者詣望瘞位獻官分獻官
陪祭官至瘞所祝一帛一段數至九段焚訖樂盡麾
生偃麾櫟敵樂止禮畢

崇聖祠祀先師則前期從事陳設祭品同至聖前惟不設
太羹一登各配陳設同十哲從祀陳設同兩廡祀文
維某年月日某官某等致祭于啟聖公孔氏之神曰

惟公誕生至聖爲萬世王者師功德顯著茲因仲春秋告祀以先賢顏氏先賢曾氏先賢孔氏先賢孟孫氏配尚嚮

名宦祠祀用豕一帛一爵三雜以果品祝文於惟羣公淑氣攸鍾昔宦茲土政澤流通籩豆靜嘉時祭之供民具爾思其曷有窮

鄉賢祠祀用豕一帛一爵三襍以果品祝文於惟羣賢輝映後先文章德業奕世相傳籩豆承事時供于前高山景行終不可誼

壇壝祀典

猗氏縣志

卷之一

三十三

社稷壇明初異壇同壝祀社以后土勾龍氏配祀稷以后稷氏配埋石主于壇之正中更爲木主藏焉祭則設于壇上後罷勾龍后稷配享

祭歲春秋仲月上戊日致祭凡祭用羊二豕二帛二爵三登一鉶二籩四豆四簋二簋二樂用鼓吹

祭前期送祭品省牲齋宿至期陪祭官先就位贊引獻官就位迎神奠帛初獻讀祝亞獻終獻飲福受胙徹饌送神望瘞禮畢

風雲雷雨山川壇明洪武初命禮官考定風雲雷雨諸天神合爲一壇天下山川城隍諸地祇合爲一壇春秋專祀

祭品 歲春秋仲月上巳日致祭凡祭用帛七羊三豕三爵三

登一釧二邊四豆四簠二簋二樂用鼓吹

祭同社稷壇唯望燎異社稷壇為望瘞有瘞坎山川壇為望燎有燎所

邑厲壇明初定禮命祭無祀鬼神欽降祭文立石于壇南

祭文某官尊承禮部劄付為祭祀本縣闔境無祀鬼神該欽奉 皇帝聖旨普天之下后土之上無不有人無不有鬼神人鬼之道幽明雖殊其理則一故天下之廣兆民之衆必立君以主之君總其大又設官分職于府州縣以各長之各府州縣又于每一百戶內設一里長以率頌之上下之職紀綱不紊此治人之法如此天子祭天地神祇及天下山川王國各府州縣祭境內山川及祀典神祇庶民祭其祖先及里社土穀之神上下之禮各有等第此事神之道如此尚念冥冥之中無祀鬼神昔為生民未知何故而歿其間有遭兵刃而橫傷者有死于水火盜賊者有被入取財而逼死者有被入強奪妻妾而死者有遭刑禍而負屈死者有天災流行而

猗氏縣志

卷之一

三十四

疫死者有為猛獸毒蟲所害者有為饑餓凍死者有因戰鬪而殞身者有因危急而自縊者有因墻屋傾頽而壓死者有死後無子孫者此等鬼魂或終于前代或歿于近世或兵戈擾攘流離于他鄉或人煙斷絕久缺其祭祀姓名泯沒于一時祀典無聞而不載此等孤魂死無所依精魄未散結為陰靈或依草附木或作為妖怪悲號于星月之下呻吟于風雨之時凡遇人間節令心思陽世魂杳杳以無歸身墮沉淪意懸懸而望祭興言及此憐其慘悽故救天下有司依時饗祭在京都有泰厲之祭在王國有國厲之祭在各府州有即厲之祭在各縣有邑厲之祭在一里又各有鄉厲之祭期于神依人而血食人敬神而知禮仍命本處城隍以主此祭欽奉如此今某等不敢有違謹設壇于城北以某月日置備牲醴羹飯專祭本縣合境無祀鬼神等衆靈其不昧來饗此祭凡我一縣境內人民倘有忤逆不孝不敬六親者有奸盜詐偽不畏公法者有抑曲作直欺壓良善者有躲避差徭靠損貧戶者似此頑惡姦邪不良之徒神必報于城隍發露其事使遭官府輕則笞決杖斷不得號為良民重則徒流絞斬不得生還鄉里若輩未發露必遭陰譴使舉家並染瘟疫六畜口蠶不利如有孝

順父母和睦親族畏懼官刑遵守禮法不作非為良善
正直之人神必達之城隍陰加護佑使其家道安和農
事順序父母妻子保守鄉里我等閭閻縣官吏人等如有
上欺朝廷下枉良善貪財作弊蠹政害民者靈必無私
一體昭報如此則鬼神有鑒
察之明官府非誦諛之祭

禮官奏按祭法王祭泰厲諸侯祭公厲大夫祭族厲又
士喪禮疾病禱于厲鄭氏謂漢時民家皆秋祠厲則此
事又達于民也春秋傳曰鬼有所歸乃不為厲然則鬼
乏祭享而無所歸則必為害古者七祀于前代帝王諸
侯卿大夫之無後皆致其祭豈無所為而然哉後世以
為涉于淫誦非禮之正遂不舉行而此等無依之鬼乃
或依附于草木為民禍福以邀享祀者蓋無足怪今欲舉
其祀宜于京都王國各府州縣及里社皆祭祀之而天
下之淫祀一切屏除使鬼之無所歸附者不
失祭享則災厲不作是亦除民害之一端也

祭歲以清明中元十月朔致祭凡祭用羊三豕三果四羹

飯冥衣數百具

以米三石炊飯
席地焚香列炬

猗氏縣志

卷之一

三十五

祭先期道迎城隍神位于壇榜無祀鬼神于兩旁屆期長

吏率僚佐俟晡時致祭行四拜三獻送神禮畢

土地祠歲以春秋仲月上巳日祭

城隍廟歲以春秋仲月上巳日合祭于山川壇

八蜡廟歲以春秋仲月上巳日祭

鄉飲酒禮

鄉飲酒禮每歲正月十五日十月初一日於明倫堂行禮
以正官為主位東南以致仕官為大賓位西北擇鄉里年
高有德之人為僎賓位東北以次長為介賓位西南以賓
之次者為三賓位于賓主介僎之後司正以教職為之主

揚解以行罰贊禮以老成生員爲之

又按大明集禮如無
僕賓以佐貳官爲之

先期主人朝服就先生而謀賓介

先生鄉中致仕者大夫
名曰父師士名少師恒

知鄉人之賢者
是以就而謀之

戒賓詣賓門將命者入告曰某日行鄉飲

酒禮請某子臨賓出迎門外肅主以入至堂揖訖主人前

曰吾子學優行高應茲觀國某日展禮請吾子臨之賓曰

某固陋恐辱命敢辭主人曰謀于父師少師莫若吾子賢

敢固以請賓曰夫子申命之某敢不敬須主人再拜賓拜

主人退賓拜送主人戒介亦如之乃歸陳設坐次司正率

執事習禮至日黎明宰牲具饌主人率僚屬司正先至遣

人速賓賓至出迎于庠門外三揖三讓升堂兩拜就位執

猗氏縣志

卷之一

三十六

事者引司正詣堂中北面立賓僕以下皆立司正揖賓僕
以下皆報揖執事者以觶酌酒授司正司正舉酒曰恭惟
朝廷率由舊章敦崇禮教舉行鄉飲非爲飲食凡我長幼
各相勸勉爲臣盡忠爲子盡孝長幼有序兄友弟恭內睦
宗族外和鄉里無或廢墜以忝所生讀畢司正飲酒飲畢
以觶授執事司正揖賓僕以下皆報揖司正復立執事者
舉律令案于堂中讀律令者詣案前北向立賓僕以下皆
拱立讀曰大誥鄉飲酒禮叙長幼論賢良別姦頑異罪人
其坐席間高年有德者居于上高年淳篤者並之以次序
齒而列其有曾違條犯法之人不許干與良善之席主者

若不分別致使貴賤混淆察知或發覺罪以違制姦頑紊亂正席者全家移出化外讀畢復位執事者舉饌案至賓前主人獻賓薦脯醢設折俎賓酬主人如之獻僎介僎介酬皆如之各就位坐工入升歌鼓瑟歌鹿鳴四牡皇皇者華三終主人獻工笙入笙南陔白華華黍三終間歌魚麗笙由庚歌南有嘉魚笙崇邱歌南山有臺笙由儀三終乃合樂關雎鵲巢葛覃采芣卷耳采蘋三終工告正歌備乃徹饌賓主兩拜訖又賓僎介衆賓拜訖送賓三揖出庠門而退明日賓服鄉服以拜賜主人如賓服以拜辱

國朝順治十八年知縣楊乾晉初舉行康熙十二年知縣

猗氏縣志

卷之一

三十七

陳一魁雍正七年知縣宋之樹復舉行焉

按會典鄉飲之設所以尊高年尚有德興禮讓敢有誼詳失禮者許揚解者以禮責之其或因致爭競者主席者會衆罪之又凡里社每歲春秋社祭會飲畢行鄉飲酒禮所用酒肴于一百家內供辦毋致奢靡百家內除乞丐外但係年高者雖至貧亦須上坐少者雖至富必序齒下坐不許攙越違者以違制論其有過犯之人雖年長財富須坐于衆賓席末聽講律受戒諭供飲酒畢同退不許在衆賓上坐如有過犯之人不行赴飲及強坐衆賓之上者即係頑民主席及諸人首告遷徙邊遠在坐其主席及衆賓推讓有犯人在上坐同罪各里社以百家爲一會百家之內以里長主席其餘百人選年最高有德人所推服者一人爲賓其次一人爲介其餘各依年齒序坐如有鄉人爲官致仕者主席請以爲僎擇通文學者一人爲揚解一人爲讀律二人爲贊禮故曰鄉飲定制使民歲時燕會習禮讀律又按禮記注先儒謂鄉飲有四一則三年賓賢能二則鄉大夫飲國中賢者三則州長習射四則黨正蜡祭然

鄉人凡有會聚當行此禮恐不特四時也論語

又按鄉飲酒杖者出斯出矣亦指鄉人而言之至于門外主人拜賓及介而衆賓自入貴賤之義別矣三揖至于階三讓以賓升拜至獻酬辭讓之節繁及介首矣至于衆賓升受坐祭立飲不酢而降隆殺之義辨矣工入升歌三終主人獻之笙入三終主人獻之間歌三終合樂三終工告樂備遂出一人揚解乃立司正焉知其能和樂而不流也賓酬主人主人酬介介酬衆賓少長以齒終于沃洗者焉知其能弟長而無遺矣降說履升坐修爵無數飲酒之節朝不廢朝莫不廢夕賓出主人拜送節文終遂焉知其能安燕而不亂也此五者之教古今莫可易也餘若尊于房戶洗當東榮烹狗東方齊肺啐酒之類先王立義固深然古今異宜不必同也

論曰王制習射上功習鄉上齒耆老皆朝于庠原以簡鄉之不率教者也故明初鄉飲定制分席三等旌罰並行勸懲別焉今里社中此禮久不講矣即學校

舉行往往瞻顧因循善否混淆崇德絀惡之謂何且所舉師宿鄉更亦第聲聽相舉轉爲市德射利之資而舉者未必稱稱者不得舉令人環視橋門咨嗟嘆惜謂大典不光豈足貴哉浙中陳邑侯力復古道訪擇惟公庶幾鄭重大典以維風者與

鄉射禮

射禮前期戒射定耦選職事充司正副司正司射司射器請射舉爵收矢執旗樹鵠陳設訖至日執事者入就位請射者引主射正官及各官員子弟士民俊秀者各就品位司射器者以弓矢置于各正官及司射前請射者詣正官

前揖畢引詣司射器前受弓矢訖復位司正執筭入立于中後請射者詣司射前曰請誘射引司射二人耦進各以三矢搯于腰帶之右以一矢挾于二指間推年長者爲上射年幼者爲下射上射先詣射位向鵠正立發矢司正書中投筭置于中舉旗者如所射應之射畢退立于傍讓下射者詣位射訖請射者俱引復位以矢者收矢復于射者司正取所中筭請射者次請士民以秀射次請官員子弟射次請品卑至品高者射其就射位發矢取筭書中舉旗收矢復位皆如前儀既畢司正副司正各持筭白中于主射正官舉爵者酌酒授中者飲之中的者三爵中采者二

爵飲訖請射者請屬官以下奉弓矢納于司射器還詣主射正官前相揖而退

明萬曆年間射禮久廢惟存射圃基址

按記曰合諸鄉射教之鄉飲酒之禮而孝弟之行立矣今儀禮全文不能盡復即會典所載亦久不行究之未可沒也謹錄大畧以存古制之遺

鄉約

鄉約所各關廟里社俱以寬敬廟宇爲之康熙八年署縣事萬錦雯著六諭衍義刊行各鄉村仍以時屬父老告戒子弟咸知講誦十二年知縣陳一魁每月初二十六下鄉講約邑人民翕然向風焉五十三年邑令陳騰章仍復行

請約刊勸化文給散鄉村

雍正二年邑令宋之樹每遇朔望宣講聖諭廣訓數條

按漢制五官為廷掾監鄉五部春夏為勸農掾秋冬為制度掾民五家為伍伍長主之二伍為什什長主之十什為里里魁主之十里為亭亭長主之十亭為鄉鄉有有秩鄉佐三老嗇夫游徼各一人有秩鄉佐主賦稅三老主教化嗇夫主爭訟游徼主姦非明制百一十戶為一里里有長十戶為一甲十甲為一保保有正副擇有才幹者為之優其禮遇俾率丁壯具兵杖肄武藝以備非常遇有警相為救援鳴宵柝禁夜翔以防盜偷十家為一牌垣註名籍生業輪流懸掛出入往來互相覺察一家有犯不舉發者連坐大率家統于甲甲屬於社社隸于保此保甲之法也又有鄉約有老人賜以官帶凡鄉村爭訟者成就質焉否則為越訴此鄉約之法也近又於人烟湊集之處新設約正一人值月三四日人每月朔望宣講法良意美莫善於此矣

論曰古者庠序學校之設非僅教士兼以教民也故

曰化民成俗必由乎學又曰小人學道則易使也猗

猗氏縣志

卷之一

四十

俗朴遯寡文人多任剛負氣然勤儉節義先王遺教

猶存則撫經耆養勸農講學所賴於司是土者良非

淺哉

文廟祀典續

雍正二年八月奉

旨增定文廟從祀先賢先儒復祀者六人林放蘧瑗秦冉顏

何鄭康成范甯增祀者二十人縣置牧皮樂正子公都子

萬章公孫丑諸葛亮尹焞魏了翁黃榦陳淳何基王柏趙

復金履祥許謙陳浩羅欽順蔡清陸龍其又增從祀崇聖

祠一人張迪位居周氏之下程氏之上

祀典續

先農壇每歲春二月亥日致祭凡祭用猪一羊一爵三
鋤一籩四豆四簋四簋四祭畢行耕籍禮祭品即以
藉田所出麥粟備辦又有額設銀兩

關帝廟每歲春秋仲月 日致祭每祭 帝君殿用牛

一羊一籩十豆十棗一盞一膏魚一韭菹一菁菹一

黍一稷一稻一梁一帛一 啟聖三代祠每祭用豕

三羊三籩豆各八棗一栗一盞一膏魚一黍一梁一

稷一帛三又每歲五月十三日致祭帝君殿用牛一

豕一羊一帛一果品五 三代祠用豕一羊一帛三

果品五額設銀兩載田賦項下

忠義孝弟祠每歲春秋仲月致祭無額設銀兩

節孝祠每歲春秋仲月致祭無額設銀兩

猗氏縣志卷之一

祠祀

諸侯得祭封內山川禮也社稷壇壝而外凡有功德于民者則祀之非是不祭祭則瀆故為政者先成民而後致力于神其潔粢盛飾籩豆省牲灌鬯鼓瑟吹竽無非為民祈福如郇伯之肇封北平之戡亂生有陰雨之膏沒有奠安之績世世血食載諸祀典豈不宜哉若猗頓鄧禹其事雖無可攷然其來已久禋祀必非無因故並存之志祠祀

社稷壇在城外西北高三尺四出陞各三級右社左稷

猗氏縣志

卷之一

風雲雷雨山川壇在城外西南高三尺四出陞各三級中風

雲雷雨左山川右城隍

厲壇在社稷壇旁高三尺以城隍神位主之列無祀鬼神于

旁三壇俱明洪武六年知縣岳大初建國朝康熙二年知縣楊乾晉更建屋宇按制壇而不屋繚以周垣所謂壇也唯立神庫神厨宰牲房齋宿所則可耳

土地祠一在縣治內一在學宮內

城隍廟在縣治西廟門坊日勅封顯佑伯

八蜡廟在東門外

郇伯廟在縣治東北舊射圃地一在開王廟北

祫德廟在四大夫屯傳為趙武既立報謝已者行崇禎厥程嬰公孫作白因立廟祀之後宋高曾勅

建

倚頓廟

在王秦村

關王廟

在縣治東北各村俱立廟不悉載

莊武王廟

在北門內廟門坊曰古壘秋風左曰功濟四海右曰威震三河

藥王廟

在莊武王廟後傳為孫真人思邈來醫軍士疾病因建祠于廟內禱藥即應

已上祀先賢有功德于民者舊志尚載虞帝廟在智光村禹王廟在祁任村文王廟在三里村令狐村王鑑村晉文公廟在張岳鎮竊謂古帝王公侯似非州縣所應祀恐瀆祀反以褻神也又高密侯廟在上李村村外樹神道碑傳為漢高密侯安邑魯屯兵于我嶺坡有神羗堡又魏崔公祠傳為魏徵崔公弼廟舊在西門月城內今移建城隍廟西又府君廟一在王鑑村一在李寺村不知為何許人又有竇姬廟在水南村傳為漢光武徵時經過此地遇姬後即位姬卒勅賜之故里陵谷代變不無傳會之訛茲不具列

倚氏縣志

卷之一

四十三

文昌廟

在下任鎮東南明萬曆丙申初建知縣郭九有撰碑

帝君閣

在北門內生儒以二月三日致祭

龍王廟

在射圃前聚奎池漚其南六月邑人牲醴祀焉一在凍河橋北

后土廟

在西關坊曰汾陰行宮一在張嵩村

火星廟

在東關外患瘡疥者詣廟取帚掃之輒愈

已上按各志當為祀諸土神以時祈禱者舊志尚載泰山廟在東關外南嶽廟在古縣口西嶽廟在李漢村陳庄村真武廟在城北又城東南隅又凍河橋北竊謂境內山川皆有定祀四嶽亦非州縣所宜祭也又有玉皇閣在南門內天王樓在閣北街口天神廟在城北妙道寺東南三官廟在水撞巷口二郎廟在王村移山廟在景村俱非祀典之正也

論曰聖王先成民而後致力于神即載在祀典者黷

祀時謂弗欽况可矯舉以媚非祀之鬼乎故壇壝蜡祭以奠方域大祈報也先賢廟祀以崇功德教忠敬也而李陽冰記縉雲城隍文猶謂既有社矣不應復有城隍狄仁傑大毀淫祠而程子猶謂所存子胥廟宜祀于吳不宜祀于越生儒之論祭義何其嚴哉夫惟嚴而後祭義專專則精誠足相通也爰自壇廟通祀而外擇近正者列之首其可知而不敢傳會其所不可知至于寺觀有舊未勅建傳為古蹟者附志之餘則不能盡詳亦陰寓出小闕之意也

祭嚴非鬼祀戒淫祠惟報德與酬功乃薦馨而告廟郇

猗氏縣志

卷之一

伯之陰膏未遠莊武之戡回如生惠我人民宜歆俎豆
補

先農壇 在東關外正房三間廂房左右各一間大門一間壇一座藉田四畝 九分雍正四年知縣宋之

樹奉 旨建置

關帝廟啓聖祠 在廟內東北隅雍正五年追封帝君三代曾祖為光昭公祖為裕昌公

父為成忠公

倚氏縣志卷之一

橋梁

倚地平衍無名山大川自峩嶺坡下瞰一平如掌至縣東南八里有涑水滌洄繚繞綫綫似衣帶凡橋梁多邑中好義者共為之架石跨澗壞則復砌病涉之患庶其免矣

永濟橋在城西門外

廣惠橋在城東門外以上二橋俱于萬歷十九年大水漂毀知縣黃道見重修

利民橋在城西南十五里崔家灣今廢

社村橋在城南十里今廢

倚氏縣志 卷之一

四十五

涑水橋在城東南八里西北行蓋要路萬歷三十一年巡按王公暨巡道魯公思虞創建石橋巡蓋會

公舜漁紀碑橋有坊南曰此橋永賴北曰萬里周行康熙四十三年邑紳喬士容捐貲百金重修

香落橋在城西南十五里邑一庠生陳湛念倡修子適月于順治九年重修

原頭橋邑令陶自悅康熙四十年倡建

論曰舟楫之利以濟不通古帝宜民之制至深遠也吾邑無洪波巨浸渡不容舟而淫霖暴漲冰澌迤寒行旅苦之橋梁成民不病涉矣昔人謂啟塞從時墮壞而治不可限以土工惠民者曷加意焉

